

永豐鄉人藁

雪堂金石文字跋尾卷三

永豐鄉人彙丙

上虞 羅 振玉

魏太中大夫元珣墓誌跋

誌稱珣字叔珍高祖廣平王曾祖儀同南平康王祖尙書南平安王父燉煌鎮將兄光州刺史南平王案魏書道武七王傳廣平王連薨無子世祖以陽平王熙之弟二子渾爲南平王繼連後官儀同三司平州刺史子飛龍襲後賜名霄卒諡安王子纂襲卒子伯和襲誌之廣平王卽連康王卽渾安王卽霄本傳不載渾諡據誌乃諡康而傳失之也父燉煌鎮將名倪安王之子近亦有誌銘出土而史失之亦無珣名蓋魏書此卷南平王之後京兆王之前舊缺一葉珣與父倪之名當在佚葉中今二誌出土乃得補刊本之缺亦快事矣兄光州刺史南平王以世次考之當是伯和而傳記伯和歷官甚略

不載曾官光州刺史又可據補傳之疏也

王僧墓誌跋

此誌標題稱維大魏天平三年歲次丙辰二月壬申朔

十三日甲申故驩驤將軍諫議大夫贈假節督滄州諸

軍事征虜將軍滄州刺史王僧墓誌標題之書年月實

始於北朝此外如鄭道忠墓誌標題作大魏正光三年歲在壬口十二月己未

朔廿六日壬申故鎮遠將軍後軍將軍鄭公墓誌銘蘭倉令孫府君浮圖標題作大

魏正光五年歲次甲辰七月己酉朔廿五日隋董穆墓誌

日癸酉故蘭倉令孫府君浮圖之銘記唐大法師

標題作大隋大業六年歲次庚午十一月戊午朔三日庚申襄城郡汝南縣前主簿墓誌

行記標題作大隋貞觀六年歲次壬辰八月光業寺碑標題

作大唐開元十三年歲次乙丑六月癸丑開業寺碑標題

朔二日甲寅趙州象城縣光業寺碑金陽山寺鍾銘標題

作大唐開耀二年歲次壬午二月金陽山寺鍾銘標題

乙丑朔八日壬申李公碑金陽山寺鍾銘標題

金天德歲次辛未九月戊戌朔十四日金陽山寺鍾銘標題

辛亥邳州陽山普照禪寺鍾銘并引金陽山寺鍾銘標題

碑題之上是古人習用是例今人用者希矣金石萃編

及王氏碑板廣例並謂碑題之有年月初見開業寺碑
疏矣又碑板標題之後例皆別行書文此誌則標題之
下卽接書誌文僅空二格而不跳行亦碑板中之罕見
者

李憲墓誌跋

誌稱長子希遠子長鈞第二子希宗第三子希仁弟四
子騫弟五子希禮案碑列長鈞於長子弟二子之間不
言行次殊不可解考魏書李順傳希遠兄長鈞興和中
梁驃騎府長史則長鈞乃希遠兄不應反列希遠之次
順傳又稱希遠庶長兄劍興和中梁驃騎府長史詳審
再四始恍然劍卽長鈞史誤以爲二人長鈞當是劍字
而碑又稱長鈞字孝友豈先名劍字長鈞後以字行而
別字孝友邪長鈞乃憲庶長子故碑列在長子之後次
子之前碑史互證疑義始析讀書之不易如此又弟四

子騫字景讓順傳作騫字希義又順傳希遠字祖浚誌作祖牧北史順傳希仁子公統宣寶碑作仰利黃父後漢書光武紀矢下如雨城中負戶而汲通典引其文作負楯而汲案作負戶爲是此誌有負戶而汲析骸而炊語正用光武紀通典作楯非也

凝禪寺三汲浮圖頌跋

𧈧𧈧無夕命常山貞石志云𧈧字不見字書案𧈧卽𧈧字卽蜉蝣也毛詩陸機疏蜉蝣方土語也通謂之渠略似甲蟲有角朝生而夕死又其寺妙像精異遊眄忘歸貞石志云眄卽眠案眄卽眊非眠題名有趙蕭肱貞石志云肱字書無疑卽祐字案肱乃肱字變△爲口爾

高翻碑跋

此碑乃近年與高盛碑同時同地出土者碑文殘泐大半無名字年月近人稱爲孝宣公碑予以所存殘字考

之碑文前數行有青州刺史語中間又有勃海王歡功
濟蒼生□□赤縣語又有謚曰孝宣語知洵是高翻碑
也魏書高湖傳子謚太昌中贈青州刺史謚子翻字飛
雀元象中贈冀州刺史謚曰孝宣碑中青州刺史謂翻
父高謚也勃海王歡云云是此碑爲高氏之證碑中謚
孝宣語則又爲高翻碑之證也但史不載翻爵碑有清
河郡開國公語不知乃翻之爵抑子岳之爵傳稱翻子
岳爵清河郡開國公碑文殘泐不可考矣此碑書法精
絕與高盛碑酷肖殆出一人手當亦同時所立惜盛碑
亦無年月可考要當在元象興和間耳碑後有□□銘
及□□□刻字欸刻字人入碑殆莫有先於此碑者
檢金石錄知此碑趙氏曾著錄云建立歲月文字殘缺
惟有魏元字可辨又云歲次己未是此碑立於興和元
年也

蔡儁碑跋

此石藏端忠敏公寶華庵今歸膠州柯氏僅存上半以校北齊書本傳事實大致相合惟傳稱儁字景彥碑作字彥安傳稱從平元顯封烏洛縣男碑作初封烏洛縣子後進爵爲侯傳稱儁卒於揚州刺史碑作陽州爲異耳儁卒於天平三年七月而碑立於興和二年八月蓋儁卒後之四年也碑陰刻府佐人名有母之廻母之顯母之高三人此姓不載姓氏書可據此補之

華山王元鷲墓誌跋

此誌出漳濱以魏書諸帝子孫列傳考之多互異傳稱鷲祖陵世祖賜爵襄邑男進爵爲子父瓌位柔立鎮司馬誌稱祖陵散騎常侍征虜將軍并州刺史父肱散騎常侍撫軍將此下殆奪軍字冀州刺史一也誌載建義元年封昌安縣侯永安二年改封華山郡王傳不載昌安縣侯

之封孝莊本紀永安二年五月丁丑封安昌縣開國侯
元鷲爲華山王作安昌與誌不合二也傳稱鷲以興和
三年薨孝靜本紀則作興和二年六月壬子薨誌則在
三年六月九日與傳同而與紀異三也誌稱薨贈假黃
鉞侍中尙書令司徒公驃騎大將軍雍州刺史傳則失
書驃騎及雍州刺史四也至鷲平生厯官傳多不載誌
則甚詳又六朝墓誌例不載撰人名此誌有友人車騎
大將軍祕書監常景惜白珩之掩曜悲懋德之未融鐫
金石而爲誌託賓實以宣風則此誌常景作也鷲以魏
室懿親甘心黨惡傳稱爾朱榮至河陰殺戮朝士鷲與
榮共登高冢觀之自此後與榮合榮誅又與兆陰通乃
兆入殿鷲約止衛兵致莊帝見逼可謂人間之梟獍元
氏之凶人而竟得老壽以死天道果安在耶史於常景
盛稱其名德乃爲元鷲作誌孝莊追崇考妣失禮之甚

臨淮力爭景乃逢君之惡手擬答詔則景固非端人亦
浮薄文士已耳書之以爲後世文人不謹於文者戒

李仲璇脩孔廟碑跋

書寅賓出日今本作寅賓案說文寅敬惕也是寅賓之
寅本當作寅作寅者藉字也此碑引書正作寅六朝人
猶明古字古義如此魏高貞碑夙夜惟寅作寅不作寅
亦可正今本之失

宜陽郡王元寶建墓誌跋

誌稱王諱寶建字景植曾祖高祖孝文皇帝祖相國清
河文獻王父相國清河文宣王考魏書孝文五王傳多
闕文於清河王懌但稱正光元年七月元義與劉騰囚
懌於門下省誣懌罪狀遂害之時年三十四不及以後
事亦不及其子孫與昭雪事惟肅宗紀正光四年二月
追封清河王懌爲范陽王以禮加葬八月癸未追復故

范陽王懌爲清河王是懌身後曾追復舊封見於帝紀而不見於本傳又曾追謚文獻則紀亦不載賴誌知之也汝南王悅傳稱悅就懌子亶求懌服翫之物知懌有子亶前廢帝紀普泰元年三月以特進車騎大將軍清河王亶爲儀同三司侍中出帝紀太昌元年五月己酉以侍中驃騎大將軍儀同三司清河王亶爲司徒公永熙三年八月甲寅推司徒公清河王亶爲大司馬承制總萬幾居尙書省此誌亦有文宣道冠周燕聲高梁楚永熙棄德自絕民神居中承制載離寒暑語孝靜紀天平三年十二月壬申大司馬清河王亶薨知懌之子亶曾嗣父爵且總百寮其薨在太平中也孝靜紀清河文宣王亶之世子也母曰胡妃誌亦稱父相國清河文宣王母安定胡氏又興和三年閏月己丑封皇子皇景植爲宜陽王皇弟威爲清河王謙爲潁川王知亶

皇

兄景植爲宜陽王皇弟威爲清河王謙爲潁川王知亶

北史作

謚文宣母胡氏史誌正合亶四子長寶建次孝靜帝次
威次謙誌稱諱寶建字景植是史以字爲名或以字行
也誌載寶建弟徽義清河王徽禮潁川王史稱徽義曰
威徽禮曰謙則又似史舉其名誌舉其字矣惟誌稱宜
陽郡王史稱宜陽王爲不合耳誌稱王以興和三年七
月九日薨于位紀作興和三年七月己卯薨考長術是
月辛未朔九日正得己卯則誌與史正合又誌稱曾祖
母清河王太妃河南羅氏父雲使持節侍中鎮東將軍
青州刺史羅雲見汝陰王天賜傳載諸部勅勒叛詔天
賜與給事中羅雲督諸軍討之前鋒勅勒詐降雲信之
不設備勅勒輕騎數千襲殺雲彼稱給事中此稱青州
刺史者殆舉雲卒後贈官也誌稱祖母亦羅氏父蓋殆
卽雲之子或從子矣此石近出磁州藏會稽顧鼎梅民
部燮光許以墨本贈爰以一夕之力爲之考證異日當

以寄示民部也戊午三月望

西河王元悰墓誌跋

誌稱祖雍州康王拂衣獨往脫屣千乘父青州穆王駢車不息褰帷万里考魏書景穆十二王列傳京兆王子推子太興襲改封西河後爲沙門更名僧懿居嵩山太和二十二年終子昂字伯暉襲薨子悰字魏慶襲誌之雍州康王卽太興雖以僧終而卒贈予諡與常例同誌言拂衣獨往脫屣千乘指爲沙門事也昂之事迹傳無一字據誌曾官青州刺史而諡曰穆足補史文之略傳稱悰諡曰文誌則諡文靖史脫靖字也傳稱悰寬雅有度清儉不營產業身亡之日家無餘財蓋魏宗支中之賢者誌厯敘其仕績殆不誤也誌稱卒贈定州刺史史亦失書丁巳九月二十日

賈太妃塋誌跋

此塋昔人未著錄殆近日新出土者考瑯琊王不見諸
王列傳惟孝靜帝本紀載天平二年秋七月戊戌封汝
南王悅孫綽爲瑯琊王是瑯琊王爲汝南王之孫綽又
考汝南王悅傳言悅好男色輕忿妃妾至加捶撻賈太
妃殆因是遁迹空門與景樂寺見洛陽伽藍記乃太傅
清河文獻王所立汝南王重脩之此云薨於鄴城景樂
寺者楊銜之敘洛陽伽藍記曰永熙多難皇輿遷鄴諸
寺僧尼亦與時徙殆賈太妃於遷鄴後更造此寺以居
耶塋上第一行月朔上泐三字考武帝武定二年正月
爲丙戌朔此云廿八日癸丑則朔日正是丙戌知所泐
乃正月丙戌也

章武王妃盧墓誌跋

此誌磁州出土今藏雪堂誌題稱魏故使持節侍中司
徒公都督雍華岐并揚青五州諸軍事車騎大將軍雍

州刺史章武王妃考魏書景穆十二王傳章武王太洛
薨無子高祖初以南安惠王第二子彬爲後彬卒長子
融嗣融與葛榮戰敗見殺肅宗爲舉哀于東堂贈侍中
都督雍華岐三州諸軍事本將軍司空雍州刺史尋進
贈司徒諡莊武則盧者章武王融妃也傳稱贈雍華岐
三州諸軍事雍州刺史誌則作雍華岐并揚青五州諸
軍事然據誌是六州非五州也傳稱融子景哲襲景哲
弟朗卽後廢帝誌稱長子章武王字景哲第二子字叔
哲第三子字季哲皆舉其字而不名後廢帝紀稱諱朗
字仲哲章武王第三子母曰程氏傳不載叔哲季哲誌
不載仲哲誌所書三子殆僅舉盧所出歟傳載景哲歷
官甚略但云武定中開府儀同三司齊受禪爵例降寥
寥數語而已誌稱景哲出身司徒祭酒俄遷尙書祠部
郎中通直散騎常侍朱衣直閣鉞仗都將征虜將軍肆

州刺史當州都督侍中車騎將軍左光祿大夫護軍將軍領嘗食典御兼太尉公奉璽紱侍中驃騎大將軍西道大行臺僕射殿中尙書散騎常侍開府儀同三司護軍將軍侍中可據補史文之略筮仕之始古曰解褐今日出身翟氏通俗編引宋史選舉志景德四年定親試進士條考第之制凡五等一二等曰及第三等曰出身四等五等曰同出身今此誌曰景哲出身司徒祭酒叔哲出身員外散騎侍郎季哲出身祕書郎是出身之稱六朝已有之矣宣統丙辰九月二十五日

太原太守穆子巖墓誌跋

誌稱公諱子巖姓穆氏又云祖司空錄尙書長樂王亮考太保大將軍頓邱王紹考魏書穆崇傳亮初封趙王徙封長樂王後例降爵爲公後又徙封頓邱郡公子紹襲爵莊帝立進爵爲王未幾降王復本爵是亮與紹並

當稱頓邱郡公誌悉書舊封非其實矣傳稱紹以功加特進又拜其次子巖爲給事誌稱子巖釋褐給事中與史正合惟史稱次子巖當作次子子巖脫一子字則似紹之次子名巖矣紹傳後爲子長嵩長嵩後爲子巖子巖上又脫弟字一若巖又爲長嵩之子均賴誌正之然宋大字本魏書已然則脫字不自近本始矣傳稱亮謚匡紹謚文獻誌銘乃云貞王之孫匡王之子又不知誌與傳孰譌也此誌安陽出土今藏安陽金石保存所

杜照賢造象記跋

此記題名有甯朔將軍慎陽郡守杜零茂欸慎字不見古字書當是順字之別字吳谷朗碑順字亦作慎此記之慎陽卽順陽也

高盛碑跋

此碑近年出彰德府但存上截然字迹精絕鋒穎如新

爲北碑中上乘盛爲神武從叔祖北齊書有傳然甚略以碑校之大略相同碑稱盛初以名家子補奉朝請又曾授平南將軍光祿大夫及侍中冀州大中正爲傳所未及當據以補傳之缺魏書孝靜帝紀述天平中盛所厯官與碑亦同又盛字益生卒諡文懿贈都督洛秦隴恒懷豫青齊并肆十州諸軍事而傳均不及碑額署魏侍中贈太師黃鉞太尉錄尚書事而傳稱贈假黃鉞太尉太師錄尚書事與碑不同考孝靜帝紀載盛以天平二年三月以司徒進太尉是太尉爲盛厯官而非贈官亦當據碑更正者也

鄭公碑跋

此碑僅存下截初不知爲誰何之碑以文內有口漢直臣口口尚書之履北海儒者口表通德之門語知爲鄭君耳碑敘鄭君父名鍾郡功曹又敘鄭君厯官解褐奉